

OKÉ TAKE AWAY

**NOS SPECIAL
NOV. 22
PAG. 4**

746-3571



**SINT LO
BISHITA
CENTRO DI
BARIO PLAYA
PABAO**




WWW.SOLODIPUEBLO.COM



SOLODIPUEBLO@GMAIL.COM

TIRAMENTO ESTILO SICARIO DIASABRA ANOCHI NA MONDI FIERNO



E PACTO SECRETO ENTRE MARISOL Y HULANDA; MARISOL TA DEFENDE HULANDA Y LAGA ARUBA NA CAYA



AGRESOR DETENI: HOMBER DI EDAD SERIAMENTE MALTRATA PAFO DI WENG KEE BAR RESTAURANT



HOBEN A BOLTER CU SU HONDA FIT PAZUID DI EX HOUSE OF CHENG



PROME MINISTER TA REUNI CU SOROPTIMIST INTERNATIONAL CLUB ARUBA, FCVR, UNHCR, Y HIAS GOBIERNO DI ARUBA TA UNI DEN E '16 DAYS OF ACTIVISM' Y A CENDE LUZ ORANJE NA BESTUURSKANTOOR



E PACTO SECRETO ENTRE MARISOL Y HULANDA; MARISOL TA DEFENDE HULANDA Y LAGA ARUBA NA CAYA

Marisol Tromp (MAS) keto bay ta sigui defende Hulanda
Ta for di basta tempo caba por a constata cu e tin un pacto secreto
posiblemente cu Hulanda



na cabes di Aruba “take it or leave it”. Evelyn Wever Croes inteligentemente a bisa: “mi ta firme, pero lo cuminza un lucha pa bringe”.

Pues, Marisol kier hasi politica barata, y kier ta un ignorante di e condicionnan dragonico cu a keda imponi riba Aruba.

Marisol ta ciega su mes pa e prome logro di Gobierno di Aruba, unda a bari COHO for di mesa. COHO lo ta tres Hulandes poni riba cabes di Aruba cu ta sinta den kantoor na Den Haag.

1. E ta masha contra cu Evelyn y Xiomara ta luchando contra condicionnan unilateral, impono cu pistol dor di soldat Knops.

Segun Marisol, Gobierno mester cumpli cu acuerdo haci cu Hulanda den tempo di pandemia. E tempo aya Hulanda a saca pistol pone

Inteligentemente y exitosamente Evelyn a kraak e COHO ey! Si ta Marisol mester a dicidi, e lo a bay na amen di Hulanda y awe COHO lo ta existi.

Pues cu actualmente Evelyn ta opniendo e RAFT, esey no kemen cu

e ta contra supervision, pasobra supervision tin desde 2014 y bon ancla den leyman. E ta bay cu un RAFT ta kita poder di Parlamento di Aruba y esey ta inacceptabel.

RAFT tambe a wordo bari di mesa, pasobra segun Hulanda esey lo garantisa supervision, cual ta un mentira flagrante di Van Huffelen, pasobra e ley local LAFT ta garantisa supervision y no por wordo cambia sin aprobacion di Hulanda.

Pues, kico te pacto secreto cu Marisol tin cu Hulanda? Dicon tur dia e ta sali ta defende Hulanda y lastra su propio pais Aruba?

Mientras Evelyn y Xiomara ta lucha cu un boeterente, un straf rente di 6.9%, Marisol tin pura pa cumpli cu RAFT, sin un bon hustificacion, y e no por pretende cu esey ta pa supervision!

Aki bo ta mira si e calidad di politico. Un cu abiertamente ta pro Hulanda den tur cos y

otrota cu ta lucha pa bienestar di Aruba y su pueblo.

Nos ta spera cu Marisol por reflecciona, kibra e posibel pacto secreto cu Hulanda y gara e bandera di Aruba y lucha pa Aruba.

Kiebro y eliminacion di COHO, ta prueba mas grandi cu loke Knops a hasi, impone condicion, cu pistol na cabes, tabata un erro graval di Hulanda y Hulanda no tabatin rason pa a actua asina.



REGERING VAN ARUBA

De Dienst Publieke Scholen is een overheidsdienst met school bestuurlijke taken voor de openbare scholen.

De Minister van Onderwijs en Sport roept, als bevoegd gezag van de openbare scholen, sollicitanten op voor de volgende vacatures:

➤ **Leerkracht in het bezit van een volledig bevoegdheid specialisatie 6-12;**

Van de sollicitant wordt verwacht dat hij of zij:

- In het bezit te zijn van de bovengenoemde bevoegdheid;
- Voor het speciaal basisonderwijs is de opleiding “Master Education Needs” een pré;
- Kennis en ervaring heeft met moderne didactische hulpmiddelen;
- Affiniteit met jongeren;
- Een positieve instelling, enthousiast en gemotiveerd is ten aanzien van het vak;
- Goede didactische kwaliteiten en sterke communicatieve vaardigheden te hebben;
- Een teamspeler is en effectief klassenmanagement te kunnen toepassen;
- Goede computervaardigheden te hebben;
- Stressbestendig te zijn.

Aangeboden wordt:

- Salariëring conform het Landsbesluit bezoldiging onderwijspersoneel;
- Volledige betrekking van 32 lesuren per week;
- Aanstelling hetzij in tijdelijke of vaste dienst dan wel op contractbasis per schooljaar;

Uw sollicitatie, vergezeld van een Curriculum Vitae en scans van (gewaarmerkte) diploma's kunt u binnen twee weken na het verschijnen van deze advertentie richten aan de Minister van Onderwijs en Sport, t.a.v. Hoofd Dienst Publieke Scholen, per mail aan sollicitatie@dps.aw.

Voor nadere informatie kan u contact opnemen met Dienst Publieke Scholen, JFK Education Center, Stadionweg 27, via telefoon 280-0800.

PUEBLO A HAÑA SU PEN BEK

Pa kualkier informacion
solodipueblo@gmail.com
of
☎ 585-9500

ADICTO AMBULANTE KIER A PROBECHA SU BLACK FRIDAY, PERO ELA PEGA SOÑO Y LA LINDA A SERA

Diabierna mainta a drenta informe di cu lo tin un adicto ambulante drumi dilanti La Linda den Caya G.F. "Betico" Croes, mesora a dirigi un patruya na e sitio.

Na yegada di e patruya a bin encontra cu un adicto ambulante y a core cun'e for di e sitio. Un otro informacion ta cu Caya G.F. "Betico" Croes ta sera awe!



AGRESOR DETENI: HOMBER DI EDAD SERIAMENTE MALTRATA PAFO DI WENG KEE BAR RESTAURANT



Piedra Plat - Diasabra marduga den careda di 3'or varios unidad a bay e bar Weng Kee situa na Piedra Plat; unda lo tawata tin un problema grandi andando.

Pero, na e mesun un

momento polis a bay un adres tambe na Mon Pos, unda cu lo tin un persona cu a yega eynan y ta basta maltrata.

A bin resulta cu e cabayero di edad cu a yega na e adres na Mon Pos, lo a wordo maltrata pa un homber cu ainda lo tawata na Weng Kee. Pues e maltrato si ta corecto lo a sosode na Weng Kee Bar Restaurant y despues e homber di edad lo a logra yega e adres na Mon Pos.

En todo caso, polisnan a pidi pa un ambulance y mesora a bay Weng Kee bar restaurant, ey nan lo a topa cu e sospechoso di fam M y a bay over na

efectua e detencion.

Esaki no a bay smooth, debi cu tawata tin un multitud di hende pa solamente 4 polis handle. Aki mester a bay over na pidi versterking di otro

districto nan.

Pero, polis a logra core cu e multitud y manda nan cas. Calmando e situacion.

M i e n t r a s t a n t o Paramediconan a

transporta e cabayero cu urgencia pa Hospitaal, door di e golpinan fuerte cu e la ricibi.

E caso ta bou investigacion y den man di recherche.



REGERING VAN ARUBA

De Dienst Publieke Scholen is een overheidsdienst met school bestuurlijke taken voor de openbare scholen.

De Minister van Onderwijs en Sport roept, als bevoegd gezag van de openbare scholen, sollicitanten op voor de volgende vacature bij **Colegio Nigel Matthew**:

➤ 1 deelbetrekking docent Nederlands;

Van de sollicitant wordt verwacht dat hij of zij:

- In het bezit te zijn van een bevoegdheid als docent Nederlands hetzij 1^e graad of 2^e graad;
- Passie voor het vak en het onderwijs;
- Goede beheersing van het Nederlands (instructietaal) en het Papiaments;
- Kennis en ervaring heeft met moderne didactische hulpmiddelen;
- Goede computervaardigheden te hebben;
- Stressbestendig te zijn.

Aangeboden wordt:

- Salariëring conform het Landsbesluit bezoldiging onderwijspersoneel;
- Deeltijd betrekking van 12 lesuren per week;
- Aanstelling op contractbasis.

Uw sollicitatie, vergezeld van een Curriculum Vitae en scans van (gewaarmerkte) diploma's kunt u binnen twee weken na het verschijnen van deze advertentie richten aan de Minister van Onderwijs en Sport, t.a.v. Hoofd Dienst Publieke Scholen, per mail aan sollicitatie@dps.aw.

Voor nadere informatie kan u contact opnemen met Dienst Publieke Scholen, JFK Education Center, Stadionweg 27, via telefoon 280-0800.

OBEN A BOLTER CU SU HONDA FIT PAZUID DI EX HOUSE OF CHENG

Avenida Nelson O.Oduber - Diasabra marduga alrededor di 2'or polis a bay poco pazuid di e crusada di ex House of Cheng; pa un auto cu a

bolter.

Na yegada polisnan a topa cu e chauffeur hoben(21) y por a mira cu e la ranca un palo di luz completo y

despues bolter.

E vehiculo cu tawata maneha ta un Honda Fit, cu a keda ariba su dak.



Banco di Caribe is a local commercial bank with more than 40 years of experience in providing financial services to its trusted customers. Next to our Head Office and Branches in Curaçao, the bank also operates in Bonaire and St. Maarten. We are currently looking for suitable candidates for the following position:

RISK MANAGER

(Located in Aruba)

As a Risk Manager, you will be at the forefront of ensuring the stability and security of our financial operations. If you are a dedicated professional with a keen eye for risk assessment and a passion for ensuring compliance, we want to hear from you.

Main responsibilities:

- Risk Assessment: Evaluate potential risks and develop strategies to mitigate them effectively.
- Compliance: Ensure adherence to regulatory requirements and industry standards.
- Strategic Planning: Contribute to the development and implementation of risk management policies.
- Collaboration: Work closely with cross-functional teams to identify and address potential risks.
- Reporting: Provide detailed and insightful risk reports to senior management.

Job requirements:

- Master's / Bachelor's degree in either Finance, Accountancy, Law or a related field.
- Proven experience in risk management within the banking or financial sector.
- Strong analytical and problem-solving skills.
- In-depth knowledge of banking regulations and industry best practices.
- Excellent communication and leadership abilities.

At Banco di Caribe we offer more than just a job; we provide a platform for your professional growth and success. **Joining us means:**

- Career Advancement: Opportunities for skill enhancement and career progression.
- Team Collaboration: A supportive and collaborative work environment.
- Community Focus: Contribute to the well-being of our local community through responsible banking practices.

Selected candidates will receive an attractive compensation and benefit package. Interested candidates are invited to submit their resume and application letter before November 30, 2023 to Banco di Caribe (Aruba) N.V.

Please address your application to:
Human Resources Department, Mrs. S. Werleman- Hart
E-mail: hrm_aua@bancodicaribe.com

Your application will be handled with the utmost confidentiality.



BANCO DI CARIBE



Aunke cu e hoben tawata musta "ok" polisnan a pidi pa un ambulance, pa haci un control ariba dje.

Durante cu ambulance tawata yegando mayornan di e hoben tambe presenta na e sitio, mas cu claro hopi spanta. Pero danki Dios, nan yiu tawata ok, solamente



bastante daño material tanto na e vehiculo y tambe a palo di luz cu a wordo ranca.

FOR SALE

For collectors One dvd recorder player
Toshiba like new Plus collection dvd videos,
inventory list available to Give offers

TEL 5972155

EMAIL :JOSEPHR@SETARNET.AW

CHAUFFEUR BURACHI A BAY BANDA ROBES DI CAMINDA BAHAMIN DAL AUTO STACIONA



Diabierna madruga a drenta informe di un accidente na Sero Blanco, mesora a dirigi un patruya na e sitio. Na yegada di e patruya a bin compronde cu un chauffeur a bay banda robes di caminda

bahamin dal auto staciona y a bay para un poco mas leu. Polis a nota cu e chauffeur ta muestra bao influencia y a bay lag'e supla. Despues di a faya 3 biaha polis a purba un biaha mas y



esaki si ela logra pero a surpasa e limite permiti

y a detene e chauffeur pa core auto bao influencia y

ocasiona un accidente.

PHILIPS ZOOM!

SAY GOODBYE TO DISCOLORED Teeth with Philips Zoom WhiteSpeed

DENTAL SOLUTIONS ARUBA

PIEDRA PLAT 98 297 PARADERA, ARUBA

+297 585 3255
+297 592 9398

Prome Minister Evelyn Wever-Croes:

PROME MINISTER TA REUNI CU SOROPTIMIST INTERNATIONAL CLUB ARUBA, FCVR, UNHCR, Y HIAS GOBIERNO DI ARUBA TA UNI DEN E '16 DAYS OF ACTIVISM' Y A CENDE LUZ ORANJE NA BESTUURSKANTOOR



Dialuna 20 di November, Prome Minister Evelyn Wever-Croes a reuni cu Soroptimist International Club Aruba, hunto cu FCVR, UNHCR, HIAS riba e "16 days of activism" pa igualdad y siguridad di hende muhe y mucha muhe. "Un oportunidad pa nos TUR reflecciona, pasobra desigualdad entre hende homber y hende muhe ta existi ainda na Aruba y ta duna espacio pa abuso contra hende muhe y mucha muhe",

Prome Minister a enfatisa.

E 16 Dianan di Activismo Contra Violencia di Genero ta un campaña internacionalcutacuminsa riba 25 di November, Dia Internashonal pa Eliminacion di Violencia Contra Hende Muhe, y ta dura te 10 di December, Dia di Derechonan Humano. E campaña a inicia na aña 1991 pa Women's Global Leadership Institute y tin un kalender di actividad pa enfoca riba e tema

importante aki.

For di e tempo ey, e ta un campaña global anual pa crea conscientisacion y mobilisa accion contra violencia basa riba genero, y ta envolve organisacionnan y activistanan rond di mundo. E meta ta pa enfatisa e conexion entre elimina violencia basa riba genero y mantene y enforsa derechonan human.

"Durante e 16 Dia di Activismo, laga nos uni den e buskeda di un mundo liber di violencia y discriminacion. Huntu, nos por logra cambio, kibra e silencio y fomenta empatia. Cada esfuerzo di cada ciudadano, ta contribui pa reenforza husticia, igualdad, y empoderamento. Gobierno di Aruba ta uni den e 16 Dia di Activismo entre 25 di November



y 10 di December. Nos compromiso ta pa cada ciudadano prospera den un mundo unda tin compasion y respet. Hunto nos ta construi un sociedad unda derecho y dignidad di nos tur ta wordo respeta y manteni", Prome Minister a expresa.

Pa duna sosten na e inicio di e 16 dianan aki, diasabra anochi a cende luz oranje na Bestuurskantoor na unda

tawata presente CEDEHM, FCVR, UNHCR, HIAS, Soroptimist Aruba, Parlamentario Darlaine Quédez-Erasmus y Minister di Husticia Rocco Tjon cu a hiba palabra na e ocasion pa reemplaza Prome Minister na e evento special aki di Light Up Orange y uni na e campaña mundial di conscientisacion contra violencia y discriminacion di hende y mucha muhe.

PUEBLO A HAÑA SU PEN BEK

Pa kualkier informacion
solodipueblo@gmail.com
of
☎ 585-9500

TIRAMENTO ESTILO SICARIO DIASABRA

ANOCHI NA MONDI FIERNO



Mondi Fierno/ Franse Pas - Diasabra anochi un supuesto accidente a resulta cu no tawata un accidente.

Polis na cuminsa a pensa cu lo tawata trata di un accidente entre auto cu brommer. Pero den algun

minuut e accidente aki a draai completamente, momento cu chauffeur di e e Nissan Fuga a papia cu polis y splica kiko exactamente a pasa.

Ta parse cu e esnan arina e dos brommernan lo a los un of mas tiro. A bin resulta cu esnan den e auto conoce esnan ariba e brommer y probablemente lo tin un problema serio entre nan.

Pa salba nan bida e chauffeur lo a manda e auto ariba e dos brommer nan. E Fuga mes a bay pega den mondi, mientras

esnan cu a comete e atentado a core bay laga e sitio prome polis yega.

Instancianan concerni manera recherche y tambe departamento tecnico(BFTO) a presenta na e sitio. E brommernan tawata horta.

Autoridad a laga confisca e brommernan y tambe e auto pa haci mas investigacion.

Segun papiamento na e sitio, lo tin un problema andando pa algun dia entre esnan ariba e brommer y esnan den e Nissan Fuga.

BON SIMAN

LUNCH:

- Spare ribs stoba cu Kool
- Galiña Stoba
- Bacalao
- Pineapple chicken
- Balchi pisca
- Porkchop
- Balchi carni den glazed BBQ sauce
- Aroz blanco of Moro

Sopi di dia:

- Galiña

cu funchi of pan bati

MiniBox pa solamente 10 florin

- Balchi carni den glazed BBQ sauce
- Pineapple chicken
- Balchi pisca
- Beef cutsmall

Come dushi come Bon na
Oké take away!!!

746-3571

PROBLEMA ENTRE PAREHA A TERMINA NA UN DETENCION



Santa Martha - Diasabra marduga polis a bay un di e tantísimo asistencia nan entre pareha. E biaha aki e dama lo a wordo maltrata.

Despues di e maltrato, e dama lo a cera su curpa un caminda na e dicho adres y yama polis.

Na yegada di polis, nan a topa cu e pareha di e dama, e dama tambe lo a sali di unda e tawata scondi.



Agentenan lo a scucha kiko a sosode y probablemente visualmente a constata cu berdad e dama a ser matrata.

Mirando cu e dama lo

a entrega keho, mesora polis a detene su pareha pa maltrato. A pidi transportwagen pa hiba e homber warda di polis, unda cu e lo wordo atende door di un Sub Fiscal.

POLIS A BAY ATENDE ACCIDENTE NA E ROTONDE PONTON RIBA E.J."WATTY" VOS BLVD



Diahuebs anochi a drenta informe di un accidente entre 2 auto na e rotonde Ponton riba E.J."Watty" Vos blvd., mesora a dirigi un patruya na e sitio. Na yegada di e

patruya a bin compronde cu aki ta trata di un accidente unda cu un chauffeur no sa con e mester pasa na e rotonde y nan a dal den otro.

SINT LO BISHITA CENTRO DI BARIO PLAYA PABAO

Playa Pabao-Ayera noch directiva di Centro di Bario Playa Pabao a recibi un email for di Sint

na unda e ta confirma su bishita na e centro aki. Den su mail Sint ta pidi su disculpa cu e ta confirma su bishita un tiki laat pero esaki tabata pa motibo cu Piet Mayor a file e peticion di Playa Pabao den un map robes. Sinembargo Sint ta masha contento di por bishita nos bon muchanan di Playa Pabao riba diamars atardi, 5 di december, di 5'or pa 7 'or. Despues Sint y su Pietnan lo drenta e barionan di Playa Pabao. Mayornan cu ta desea pa

nan yiu(nan) recibi un regalo riba e dia aki por pasa laga esaki na Centro di Bario Playa Pabao di dialuna 27 di denovember pa dialuna dia 4 december di 8 'or pa 12'or y di 2'or pa 6'or pa yena e formulario di participacion. Lo cobra e suma di inscripcion di afl. 10.00 pa mucha cu lo wordu usa pa cubi e gastonan y un treat pa e muchanan y nan mayornan. Pa mas informacion por tuma contacto cu Centro di Bario Playa Pabao na telefon 583-7775. Pa motibonan organisatorio no ta tuma mas mucha despues di dia 4 december.

MINISTER DI CULTURA A PRESENCIA E LANSAMENTO DI E BUKI

'VIRGINIA, EEN AFEFE VERHAAL'



Recientemente, Minister Xiomara Maduro di Cultura, a atende e lansamento di e buki 'Virginia, een Afefe verhaal'. Scirbi pa Ida Does y ilustra pa Daniëlle Nijboer, e buki aki ta conta e storia di Virginia, un mucha muhe esclavo na Aruba, kende tabata soña cu libertad y dignidad entre e dificultadnan di esclavitud colonial.

'E storia di Virginia ta un recuerdo di nos pasado doloroso, pero tambe ta ofrece un mensahe di speransa y resiliencia,' Minister Maduro a bisa. 'E



buki aki no ta solamente un storia di lucha; e ta un testimonio di e spirito resiliente di esnan cu a tribi di soña contra e desafionan insuperabel di e tempo ey."

E storia di Virginia ta un relato impresionante di su deseo pa libertad y su coneccion ku Afefe, e biento magico, simbolizando speransa y liberacion. Su karakter ta sirbi como inspiracion, reflehando e curashi y determinacion di hopi hende muhe cu a

soporta e brutalidad di esclavitud colonial. Minister Maduro a enfatisa e importancia di e tipo di storianan aki den nos comunidad. 'Bukinan manera 'Virginia, een Afefe verhaal' ta hunga un rol crucial den educacion di nos muchanan y hobennan riba nos historia di esclavitud. Tambe nan ta sirbi como un recordatorio di e fortaleza y resiliencia di e spirito di nos como Arubiano." E buki ta e prome den e serie magico di Storiantan

di Afefe, enfoca riba sobrevivencia di hende muhenan durante esclavitud colonial. 'E serie aki ta un tributo na e heroinanan di nos historia cu no a wordo conta y mi ta felicita Ida Does, Ellen-Rose Kambel, Daniëlle Nijboer, y Joan Windzak pa trece e storiantan aki na

cla", e Minister a añadi. Minister Maduro ta gradici Ida Does pa e invitacion y ta dese'e tur clase di exito y ta gradici'e tambe pa su contribucion significativa na conta e storia di esclavitud aki. Un invitacion ta bay na tur hende pa explora e storia di

FOR SALE
For music collectors
A large collection cd,s
Including storage stands
Visit to see collection to
give offer Tel 5972155

Paardenbaaistraat 10, Oranjestad, Aruba Tel.: (297) 525 - 7555
www.lottoaruba.com
Resultado : Sorteo 26 Nov 2023 Merdia

CATOLICHI Sorteo # 4106 7348 1107 9724	LOTTO 5 Sorteo # 0 x Jackpot 0 x Match 4+ 0 x match 4 0 x Afl. 12,00 140.000,-
MULTI-X FP BIG 4 Sorteo # 4106 5054	LOTTO DIA Sorteo # 6312 0 x Jackpot 1 x Match 4 79 x Afl 8,00 56.000,-
10FF Sorteo # 2162 0100	MEGA Sorteo # 0 x Jackpot 0 x match 4 0 x Afl. 500,00 0 x Afl 50,00 0 x Afl. 15,00 750.000,-
ZODIAC Sorteo # 4106 2241 Tauro	MEGA PLUS Afl. 1.125.000,-
LUCKY 3 Sorteo # 980 803 MULTI-X FP	KORSOU Sorteo #

REVANCHA DI SIGLO ENTRE TEAM SNOR Y SERO BLANCO!

Calabas/Kudawecha - Shonnan, diasabra anochi 25 di november, cuminsando pa 8'or, la lucha continua! Team Sero Blanco ta purba nan suerte un biaha mas contra nan rival Team Snor, e ekipo cu biaha pasa a masacra Sero Blanco riba un 1 di april! Cos a bay brutal biaha pasa ora cu n'un moda sin precedente e trabuconan bou guia dje beruchte "Snor" Perez a pasa manera un wals di placha asphalt riba Sero Blanco. E pregunta cardinal ta kico Sero Blanco por tin den tapara cu nan a tribi di reta Snor atrobe ... seña nobo? Pildo

di curashi? Carsonsio fura cu fiber? Wel fanaticonan di domino bush-bush, diasabra awor prepara pa otro sambombaso n'e unico y mundialmente famoso Domino Square Garden ora Team Sero Blanco saca nan arma nobo contra Team Snor! Manera di custumber, entrada ta bay ta completamente gratis y pasapalanan lo t'ey totalmente por nada! Bini un bini tur presencia e revancha di siglo entre Sero Blanco "All Stars" y Team Snor, diasabra awor 25 di november cuminsando pa 8'or di anochi.



TAXI A DAL UN PEATON DEN HAVENSTRAAT, E VICTIMA TA UN HOMBER DI EDAD



Diaranson atardi a drenta informe di un accidente cu

hende herida dilanti Kok Optica den Havenstraat,



mesora a dirigi tanto pokis como ambulans na e sitio. Na yegada di e patruya a bin compronde cu un



taxista no a mira e peaton riba caminda y a dal e mande halto bay dal riba e windshield y

dal abao. Na yegada di e ambulans nan a atende e victima y a transporte pa hospital.

CANCER CARE CENTER ARUBA



Despues di a termina nan estudio di Rehabilitacion Oncologico (Oncologische Revalidatie Wetenschappen) na Vrije Universiteit Brussel y De Berekuyt Academy Hulanda, 3 fisioterapista yiu di tera: Heidi Dijkhoff-Laufer, Marlon Maduro y Marlon Thodé a mira e gran necesidad di lanta un Cancer Care Center na Aruba. Casi 10 aña pasa sra. Annemarie Beintema Msc. a lanta un Cancer Care Center na Hulanda cu ta yudando hopi pashent di cancer riba diferente tereno. E meta di e Cancer Care Center ta pa yuda e pashent di cancer bira vital atrobe. Esaki ta na momento di diagnostico, prome, durante y despues di e tratamentonan.

For di diferente localidad un grupo di profesional ta duna atencion primario conhunto cu ta consisti di guia y training fisico, sosten psicosocial, conseho y guia di nutricion, ayudo di bienestar, relajacion y reintegracion. Prome cu tratamiento ta sostene e persona cu e meta pa enfrenta e temporada dificil su

dilanti físicamente y mentalmente mas fuerte posibel. Durante e tratamiento ta yuda e persona keda vital. Despues di tratamiento ta guia e persona pa mantene un estilo di bida saludabel. Si resulta cu recuperacion completo no ta posibel, e team ta para cla pa yuda mantene un calidad di bida mas halto posibel den e fase paliativo y terminal. Esaki ta ensera guia y sosten pa e pashent y su sernan kerí. Cancer y e tratamentonan di esaki tin un impacto grandi riba e salud físico, psíquico y bienestar social. Hopi pashent ta experiencia problemanan, tin biaha pa termino largo.

Problemanan mas comun ta: Cansancio, reduccion di condicion, forsa y movilidad, dolor y linfedema, miedo, depression y inseguridad, problemanan di participacion social. Cancer Care Center Aruba ta ofrece ayudo varia y specialisa cu por alivia y resolve e problemanan aki. Manera diferente forma di fisioterapia, guia psicológico, conseho di nutricion y



terapia ocupacional. Tur esaki lo tuma lugar den cooperacion y bon comunicacion cu e specialistanan medico oncologico, otro disciplinanan y instancianan. E profesionalnan di

Cancer Care Center Aruba ta consisti di e siguiente personanan: Marlon Thodé: Fisioterapista di edema y oncologia Marlon Maduro: Fisioterapista general y oncologia

Heidi Dijkhoff-Laufer: Fisioterapista di edema y oncologia Amine Barakat: Dietista y nutricionista Minouche Lopez: Terapista ocupacional Audrey Kan: Psicologo clinico

CANDELA DI MONDI NA SABANA LIBER



Diahuebs madruga a Mesora a dirigi tanto polis encontra e
drenta informe di un como brandweer na e sitio. candela den un mondi.
candela na Sabana Liber. Na yegada di patruya

Na yegada di e brandweer candela.
mesora nan a combati e

Minister Maduro di Finansa ta informa:

GOBIERNO TA TRAHANDO PA INTRODUCI UN MANEHO DI PARTICIPACION Y DIVIDENDO PA ENTIDADNAN PUBLICO



Dia 13 di november 2020 Gobierno a yega na acuerdo cu Hulanda riba e reformanan cu ta necesario pa haci Aruba mas fuerte y resiliente. E acuerdo a keda hinca den e documento yama 'Landspakket.' Dia 4 di april 2023 a acorda den

un 'Onderlinge Regeling' e base huridico di e manera cu Hulanda y Aruba lo traha cu otro pa realisa e reformanan indica den e Landspakket.

Den cuadro di e trabounan necesario pa cumpli cu e Landspakket tema B.2, Gobierno di Aruba a laga e compania Price Waterhouse Coopers PWC haci un sondeo riba 6 entidad publico pa evalua nan estado financiero. For di e sondeo a sali na cla cu algun entidad publico no tin un maneho di participacion y dividendo, of esaki no ta efectivo. Pa e motibo aki PWC a conseha Gobierno pa formula y implementa un maneho pa atende adecuadamente cu e participacion di Gobierno como unico accionista di e companianan estatal, y tambe pa formula un maneho efectivo pa

locual ta trata e pago di dividendo cu Gobierno como unico accionista tin derecho riba dje.

Recientemente Minister di Finansa a informa tur compania estatal di e intencion pa formula y implementa un maneho participacion y dividendo pa tur compania estatal. A cuminsa caba cu e proceso

di destaho pa asina yega na e compania cu lo prepara y guia e implementacion di e maneho di participacion y dividendo na tur compania estatal di Gobierno. E maneho aki ta necesario pa asina contribui na e meta formula den Landspakket pa locual ta gasto y efectividad di e sector publico na Aruba.

HACI PAGO DI ABONEMENT ONLINE TA POSIBEL:

APRECIABLE CLIENTELA, SI BO TA DESEA DI
HACI E PAGO DI ABONEMENT ONLINE,
E TA POSIBEL:

ESAKI TA NOS CUENTA:

SUNMAX PRINTERS - STA. CRUZ 110

BANCO: RBC

NUMBER DI CUENTA: 7700000100152447

DI ANTEMANO,
MASHA DANKI.

SOLO DI PUEBLO



EXITOSO COMMUNITY BUILDING EVENT

LET'S CONNECT! – BAN CONECTA!

Organisa pa CEDE ARUBA



Diamars dia 21 di november 2023 a tuma luga na Renaissance Convention Center e prome Community Building Event “Let’s Connect! – Ban Conecta!” organisa pa CEDE ARUBA den cuadro di proyecto BARIÓ UNICO.

E evento a tuma lugar den un ambiente vibrante, yena cu speransa y energia positivo pa cu e deseo-, idea- y cambianan cu ta desea di mira den e barionan y comunidad di Aruba.. Un evento sumamente exitoso, caminda e Centronan di Bario cu ta forma parti di e proyecto BARIÓ UNICO no solamente a topa 32 diferente otro organisacionan den comunidad di Aruba, pero alabes

a haya e oportunidad pa conecta cu nan. A intercambia idea, a inspira y a sostene otro. Ya caba diferente di nan a forma un base y a traha planes di colaboracion na beneficio di comunidad di Aruba.

Por a conta tambe cu presencia di Sr. Rocco Tjon, Minister di Husticia y Asuntonan Social, Sr. Endy Croes, Minister di Enseñansa y Deporte y Sr. Ursell Arends, Minister di Transporte, Integridad, Naturalesa y Asunto di Adulto Mayor.

E anochi a cuminsa cu palabranan di bonbini y discurso di parti di Director di CEDE ARUBA, Sr. Daniel Tecklenborg, sigui pa un discurso di parti di Minister

Rocco Tjon. A hiba palabra tambe e Programma Coordinator pa BARIÓ UNICO, esta Sra. Gianni Bermudez.

Durante e anochi aki a haci entrega di reconocimiento na cinco baluarte como aprecio y gradicimento pa tur e añanan di dedicacion y servicio comunitario na e Centronan di Bario en particular, pero alabes na comunidad di Aruba den General. Nan ta:

Di Centro di Bario Lago Heights
Sr. Kenneth C. Lucas
Sr. Valentino W. Peterson
Sr. Rufo J. Anthony

Di Centro di Bario Playa Pabao
Sr. Dennis K. Burke

Di Centro di Bario Noord
Sra. Marlin Ignacio

Tur presente a haya alabes un un preview di e website nobo di BARIÓ UNICO. Un website diseña pa JDB. E website nobo aki ta brinda un potencial enorme pa cu BARIÓ UNICO, caminda cada Centro di Bario cu ta forma parti di e proyecto tambe lo tin e oportunidad unico pa nan mes por maneha nan informacion, por ehempel encuanto nan actividades, eventonan y

espacionan cu nan tin pa huur. Por haci Project Management, e-Commerce, por haci uzo di dato pa por maneha y mehora servicio, na cliente existente y alabes con por atrae clientenan nobo. Keda pendiente pa mas informacion encuanto e dia cu e website aki lo bay live.

E obhetivo di e Community Building Event ta pa crea y cultiva relacionnan profesional y di largo plaso. E ta pa establece y fortifica relacionannan cu ta beneficioso pa tur stakeholders y pa comunidad di Aruba. “Let’s Connect! – Ban Conecta!” ta ofrece un plataforma unda ideanan fantastico ta topa oportunidad. Tur e ideanan aki hunto, cu alabes ta conta cu apoyo y sosten di un network, ja caba ta un stap den bon direccion pa logra e cambianan cu nos tur ta desea den e diferente barionan. Laga nos tur hunto haci esaki bira un realidad. Let’s make this happen!

E siguiente Community Building Events di “Let’s Connect! - Ban Conecta!” lo tuma luga den bario na e diferente Centronan di Bario. Lo duna mas informacion via di e website nobo.

BARIÓ UNICO ta un colaboracion entre Gobierno di Aruba, CEDE ARUBA y Centronan di Bario. E programa tambe tin sosten di Samenwerkende fondsen Cariben y tin colaboracion caba cu diferente organisacion den comunidad.

Gradicimento ta bay na tur cu a participa cu e evento aki y na tur cu a haci e evento aki posibel.

Pa mas informacion por tuma contact cu CEDE ARUBA / BARIÓ UNICO via email barionanunico@cedearuba.org of via number di telefon 582 7666.

DIA INTERNACIONAL CONTRA VIOLENCIA CONTRA HENDE MUHE

Nosolamenteaweyerestodisiman nos ta para keto pa demostra nos disgusto contra violencia dirigi contra hende muhe. Henter anja ta tende aki aya voznan cu ta alza y ta protesta contra violencia en general, violencia contra yuinan y violencia contra hende muhe. Mi kier trece algun punto padilanti cu tin di haber cu violencia en general y violencia domestico.

1. Origen di violencia ta cuminsa na cas. Den un cas unda e homber kier musta cu ta E ta manda, e ta uza palabra malo contra su esposa y yuinan y terminologia insultante manera: bo ta mahos, gordo, dom. Bo no ta sirbi pa nada. Esaki nos ta yama violencia psicologico, verbal of mental. E NO ta crea un atmosfera di Paz y Amor den un hogar. Al contrario: e ta crea tension, mal ehempel pa nan yuinan cu ta bay haci mescos ora nan bira adulto.

2. E ta baha e estima propio di e hende muhe cu ta crea den su mente cu en berdad e ta mahos, gordo y no ta sirbi pa nada. Nos ta yama esey Salud Mental Negativo.

3. E yuinan ta bay actua mescos, e mucha homber ta crece cu e pensamiento cu ta asina mester trata su mama, su ruman muhe, y TUR mucha muhe. E ta imita e tata y ta cuminsa pusha, ranca cabey, dal mokete, skop. Esaki nos ta yama violencia transgeneracional. E ta ser pasa di mayor pa yui. Y asina ta forma e Circulo Vicioso cu ta masha dificil di kibra. E ta cuminsa imita e tata den otro cosnan tambe, manera bebe alcohol: rom, whiskey etc. Of purba droga de bes en cuando. Y bringa pafo di cas pa muestra cu e ta Homber. E mucha homber ta externalisa loke el a mira di e tata y ta continua cu e patronchi negativo aki. Pesey e NO ta haci ningun trabou di cas manera pasa un basora of laba tayo of drecha cama. DIOS libra!! Y e ta cuida pa su amigonan no wak e pasobra esey lo ta un berguensa y nan lo cuminsa cu bullying!

4. E yui muhe ta bay copia comportacion di su mama: e ta

para wanta y guli tur cos. E ta carga tur cos paden. Nos ta yama esey: internalisa e violencia y e ta copia e comportacion di e mama. Dus den futuro ora e forma un hogar e ta continua cu e patronchi negativo aki. Tanto e comportacion di e yui homber y e yui muhe ta basa riba loke nos ta yama "rollen patroon": patronchi di e papel destina pa e homber y e hende muhe. Pa kibra e patronchi aki ta costa hopi tempo, hopi esfuerzo pa cambia e manera di pensa. Pesey tin e proverbio cu ta bisa: "ta tuma henter un pueblo pa lanta un mucha". Cu otro palabra ta dificil pa cambia mentalidad di un pueblo. E violencia cu nos ta wak actualmente ta refleha gran parti di e violencia cu ta tuma lugar na cas! Ta alarmante cuanto hoben, mucha homber y mucha muher ta abusa di alcohol, y di tur sorto di droga, ta haci sex pa loco sin pensa riba e consecuencianan negativo: mamanan teenagers, malesanan sexual, violacion.

5. Pa trece cambio den e situacion aki nos mester pone atencion na nos comportacion cu otro, con nos ta trata otro. Pesey tin hopi campaña tumando lugar pa muestra nos con pa trata otro, no bullying of provoca otro pa bringa y hasta yega na mata otro. Muestra con tof nan ta y ta cay victima di trafico di droga y ta haya hasta revolver pa "defende" nan mes y ta mata otro hende of hoben. Prison ta yen di hoben cu a comete un crimen y hasta a mata otro hende of hoben. Nan ta danja nan propio bida pa semper sin menciona tur e verdriet cu nan ta causa otro hende.

Riba e dia aki Mundo henter ta muestra tambe riba e diferencia con ta trata hende homber y hende muhe por ehempel riba pago di trabou.

1. Den mi investigacion e resultadonan ta muestra cu HOPI Hende Muhe ta traha mas cu 40 ora pa siman. Kier meen cu nan NO ta na cas parti merdia. E muchanan ta nan so. Esaki ta un peliger riba su mes pasobra bo NO sa cuanto peliger nan ta core pa motibo cu



hendenan cu mal pensamiento por drenta nan cas y invita nan pa bay cumpra un icecream etc y por abusa sexualmente di nan. Unicef a yega di muestra riba e peliger aki den un investigacion cu nan a haci na Aruba.

2. E Hende muhe ta yega cas cansay e trabou di casta warda riba dje, mester cushina, duna e casa, yuinan, cachonan of pushinan cuminda, duna e matanan awa etc. No tin distribucion di trabou di cas entre Tata, Mama y yuinan. SSSIII: yuinan mester sinja drecha nan cama, muha mata, duna e bestianan cuminda. E Tata tambe por yuda den esaki y hasta den prepara cuminda! Di e manera aki ta sinja cu tur hende ta coopera cu trabounan di cas. Hapon ta Campion den esaki y ta duna ehempel ora nan ta competi afo den deporte y ta laga tur cos limpi atras! Na Australia científiconan ta muestra riba esaki pa sinja e muchanan cu tur miembro di cas ta comparti den trabou di cas. Di e manera aki ta kibra cu e Patronchi cu cierto trabou ta pa Hende

Muhe so y no pa Hende homber. Di e manera aki nos lo contribui pa realisa derechonan igual entre Hende Homber y Hende Muhe.

3. Na Aruba tin caminda unda e Hende Muhe ta ricibi menos placa cu e Hende Homber pa e mesun trabou mientras cu articulo 1 di nos Constitucion ta bisa cu tur hende, sin distincion, tin derecho igual. Lo ta bon pa Gobierno controla esaki.

4. Por ultimo: Den mi investigacion varios Hende Muhe a skirbi cu nan NO sa cuanto nan casa of partner ta gana. Boso por comprende cu esaki ta trece discordia. Mi ta puntra mi mes: con nan ta haci pa palabra ken di nan ta paga kico? Den e situacion cu nos ta biba awor aki cu plaka no ta yega, con nan ta resolve e pagonan obligatorio cu mester paga y cumpra cuminda? Mester bin cambio den esaki si nos ta bringa pa igualdad di derechonan. Mi deseo ta pa un dia yega cu nos lo alcanza Igualdad di Derecho y Eliminacion di Violencia Domestico.

PALO DI LUZ A PEGA NA CANDELA



Sabana Blanco - Diasabra marduga polis y brandweer a bay pa un palo di luz na candela.

E palo di luz tawata cerca di un compleho di apartamento cu aunke tawata marduga, e la pone habitantenan lanta pa mira kiko tawata pasando.

Na yegada di Brandweer nan no por a

drenta den accion mesora, y mester a warda un truck di N.V. Elmar pa kita e coriente prome cu bay over na pag'e.

Tawata trata di e kabel cu e poste di luz cu pa un of otro motibo a pega na candela y asina sigui expande.

No ta conoci kiko por a conduci cu e la cende na candela.

POLIS A BAY PINDASTRAAT PA UN HOMBER AGRESIVO Y PROBLEMATICO PERO ORA ELA MIRA VEHICULO DI TRANSPORTE ELA CORE BAY PADEN



Diaranson anochi a drenta informe di cu tin un homber agresivo buscando problema na Pindastraat, mesora a dirigi un patruya na e sitio. Na yegada di e patruya a bin encontra cu e homber agresivo y mientras ta papiando cun'e ela mira e vehiculo di transporte y a saca su conclusion y a drenta cura bisa e polisnan cu e ta bay descansa awor y a cumpli cu su promesa.

SOLO

SUDOKU
MANIA

		6				5		8
1		2	3	8				4
			2			1	9	
				6	3		4	5
	6	3	4		5	8	7	
5	4		9	2				
	8	7			4			
2				9	8	4		7
4		9				3		

Salmo 131
“Serca Dios mi ta na paz
manera un yiu serca su mama.”

Cu dolor na nos curason pero conforme cu boluntad di Dios nos ta anuncia
fayecimento di nos ser stima

Benjamin Rogelio Angela

mihor conoci como “Roy”
*31-03-1952 †22-11-2023

Na nomber di su
Esposa: Ludwina Angela-Hernandez

Rumannan:
†Crismo y †Shon Mina Angela y famia
†Maca y †Benny Flanegin y famia
†Goy y †Tila Angela y famia
Metty y Dian Deluvia y famia
†Olga Geerman y famia
Pedro y †Hilda Angela y famia
†Reina Angela y famia
Maria Angela y famia
Sita Arends y famia
Eric Dirks y famia
Chino y Leichin Thiel y famia

Cuñanan:
Dora Koolman y famia
Catharina Hernandez na Hulanda

Su amigo di cas: Booshi Curiel y demas amigonan mucho
Su iha: Rose-anne Deluvia

Subrino y subrinanan, primo y primanan, grupo di oracion
coleganan di radio y amigonan di deporte.

Demas famia: Angela, Werleman, Hernandez, Flanegin,
Dirks, Thiel, Maduro, Croes, Agumbero, Coffie, Ras, Willems,

Ta invita pa e acto di entierro cual lo tuma lugar dialuna
27 november 2023 di 2:00-4:00 p.m. na Royal Funeral
santana catolico Sta. Maria na Sta.Cruz.

Oportunidad pa condoleer: diasabra 25 november 2023 di
Funeral Home.



hopi pa menciona.
“Hesus ta e caminda”, su
Deluvia, Geerman, Arends,
Curiel, Koolman y Paesch.

Home. Despues lo sali pa
7:00-9:00 p.m. na Royal